



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Philomathi Mvsae Ivveniles**

**Alexander <VII., Papst>**

**Coloniae Vbiorum [i. e. Amsterdam?], 1645**

XLV. P. Carolo Ab Aremberg Capvcino.

**urn:nbn:de:hbz:466:1-12750**

## XLV.

P. CAROLO AB AREMBERG  
CAPVCINO.

Post longos acresque dolores, lecto affixus, cum  
respiraret aliquantulum, optimum Religiosum,  
ad se consolandum, invitat.

**C**Arole, terreni contemtor provide fastus,  
Principibus proavis major, qui claustra superbis  
Ædibus, atque auro, præfers; solare dolentem  
Alloquio, precor, & mœstum, virtute serena,  
Qua superos flectis. Iam jam cessere severa  
Verbera tortorum, stomachi seu crudior æstus,  
Seu colon, seu nephritis me forte flagellant,  
Lis incerta diu, docto sub iudice, pendet,  
Interea misero mihi certum constat; acute  
Viscera torquentur; metam cruciatibus hora  
Quarta tulit nuper; dant nulla negocia curas,  
Aula vocat, fesso superest in corpore languor,  
Debilis & lectum seruo; sed vivida mens est,  
Et non invito voces inflectere versu  
Me patitur tecum. neque enim terrena fatigant  
Usque adeo cælestem animum, quin sponte resurgat,  
Seque libens damnet, tenui quod pondere morbi  
Succumbens ferme, gemitus angoribus inter-  
Misceret dudum. Cælum cur voce laceffis?  
Nonne manus Domini tetigit te? parce querelis;

Quis



Quin potius grates reddas, vitæque peractæ  
 Crimina perfundas lachrymis; atque ipsa dolorum  
 Crescat dura seges, tibi dum patientia crescat.  
 Quæ manus è nihilo nuper te dia creavit,  
 Omnipotens manus, attactu dignata benigno est  
 Mortales artus, ut amico vulnera sanet.  
 Eia age, rumpe moras, crebris te angoribus offer;  
 Sic placitum superis, hæc parva piacula culpas  
 Diluere ingentes, devotaque manibus antra  
 Sontibus, ipsasque ultrices prævertere flammæ.  
 Hæc meus è nitidis repetit Salesius astris,  
 Quæ quondam ex cathedra mellita voce tonabat;  
 Hæc eadem, grato mihi te dictante magistro,  
 Percipiam; tu me stimulis melioribus ultro  
 Impelles; tua me magis hæc exempla movebunt:  
 Te præeunte, sequar. seu te divina moratur  
 Pagina, seu doctis miranda volumina seclis  
 Conscripsisse juvat; calamum depone parumper,  
 Et cura levioere animum laxare memento.

## X L V I.

D E I O A N N E L A T O M O,  
 qui Epigrammata inscripsit tumulis ad  
 Iovii Elogia.

S Piritus omnis abest, nec habent Epigrammata succum;  
 Hoc tamen ista virum carmine busta nitent.  
 Prudens est Latomus; tumulis non carmina ponit;  
 Sed parat ipse suis carminibus tumulos.

X L V I I. D E